

ԳՐՅԱԿԱՆԱԿԵՐՏ ՎԵՐԶԱԾԱՆՑ ՈՒՆԵՑՈՂ
ՆՈՐԱԿԱԶՄ ԲԱՌԵՐԸ ՀՈԿՀԱՆՆԵՍ ՇԻՐԱԶԻ
«ՀԱՅՈՑ ԴԱՆԹԵԱԿԱՆԸ» ՊՈԵՄՈՒՄ

Հովհաննես Շիրազի «Հայոց դանթեականը» պոեմի բառապաշարի նորակազմությունների մի մասը վերջածանցավոր բառեր են:

Դրանք պայմանականորեն ենք համարում հեղինակային նորակազմություն:

Այդ բառերը չենք գտնում Ստ. Մալխասյանցի, ԳԱԱ ՀԱճառյանի անվան լեզվի ինստիտուտի հեղինակային կոլեկտիվի և Է. Բ. Աղայանի բացատրական բառարաններում, եթե չհաշվենք այն դեպքերը, երբ դրանցում օրինակներ են բերվում միայն Հովհ. Շիրազի այս կամ այն երկից¹:

Համեմատել ենք նաև Ս. Ա. Մելքոնյանի կազմած բառացանկի, Ս. Ա. Էլոյանի և Փ. Գ. Մեթիխանյանի հեղինակած ժամանակակից հայերենի նորաբանությունների բառարանների, ինչպես նաև Ա. Ա. Մարությանի գիտական հոդվածում առանձնացված նոր բառերի հետ²:

Հայերենի բառապաշարը հարուստ է ոչ միայն պարզ և բարդ, այլև ածանցավոր բառերով: «Հայոց դանթեականը» պոեմի ածանցավոր բառերի մեջ առանձին խումբ են այն բառերը, որոնք կազմված են ժամանակակից հայերենում բավականին կենսունակ վերջածանցներով:

Ածանցը, ինչպես սահմանում է Է. Բ. Աղայանը, երկրորդական բառակազմական ձևությ է. որով կազմվում է նոր բառ: «Իրենց կազմում ածանց կամ ածանցներ ունեցող համադրական բաղադրությունները կոչվում են *ածանցա-*

¹ Տես Ստ. Մալխասյանց, Հայերեն բացատրական բառարան, հհ. I - IV, Երևան, Հայկ. ՍՍՈՒ պետհրատ., 1944-1945: «Ժամանակակից հայոց լեզվի բացատրական բառարան», հհ. 1-4, Երևան, ՀԱՍՀ ԳԱ հրատ., 1969-1980: Է. Բ. Աղայան, Արդի հայերենի բացատրական բառարան, Երևան, «Հայաստան» հրատ., 1976:

² Տես Ս. Ա. Մելքոնյան, Հովհաննես Շիրազ (զեղարվեստական վարպետության հարցեր), «Բարձրագույն դպրոց» հրատ., Երևան, 1993: Փ. Գ. Մեթիխանյան, Նոր բառերի բացատրական բառարան, Երևան, «Փյունիկ» հրատ., 1996: Ս. Ա. Էլոյան, Արդի հայերենի նորաբանությունների բառարան, Երևան, «Նաիրի» հրատ., 2002: Ա. Ա. Մարության, Նորաբանությունները Հ. Շիրազի «Հայոց դանթեականը» պոեմում, «Հայոց լեզու և գրականություն», 5-6, 2001, էջ 23-31:

վոր բառեր»³։ Հայտնի է, որ ածանցավոր բառերը կազմված են լինում մեկ և մեկից ավելի ածանցներով։ Ածանցը բաղադրական հիմքին ավելանում է կա՛մ սկզբից, կա՛մ վերջից. առաջին դեպքում ունենում ենք նախածանցավոր, իսկ երկրորդ դեպքում՝ վերջածանցավոր բառ։ Հայերենում առհասարակ առավել մեծ թիվ են կազմում վերջածանցավոր բառերը, որովհետև վերջածանցները քանակապես ավելի շատ են, քան նախածանցները⁴։

Վերջածանցումը տեղի է ունենում բաղադրվող հիմքին որևէ վերջածանցի հավելումով։ Այս դեպքում նույնպես ածանցները միանում են պարզ կամ բաղադրյալ (բարդ, ածանցավոր և բարդ ածանցավոր) հիմքերին⁵։ Ժամանակակից հայերենում վերջածանցը սովորաբար բնութագրվում է հետևյալ կերպ. «Վերջածանց է կոչվում այն բառակազմական երկրորդական ձևույթը, որը կցվելով բառի (հիմքի, նախատիպի) վերջից և նրան նոր իմաստ կամ իմաստային նրբություն տալով՝ կազմում է նոր բառ»⁶։

Վերջածանցմամբ կազմվում են գոյականներ, ածականներ, թվականներ, մակբայներ։ «Գոյականակերտ են կոչվում այն ածանցները, որոնք դրվելով տարբեր հիմքերի վրա՝ կազմում են գոյական անուններ»⁷։ Այնուհետև, Լ. Ս. Հովսեփյանը գտնում է, որ «վերջածանցները անհմարին է ենթարկել այնպիսի հստակ խմբավորման, ինչպես նախածանցները։ Կարելի է առանձնացնել միայն ածանցների գործառական խմբեր՝ այս կամ այն խոսքի մասը կերտելուն նրանց գործառույթի համաձայն (գոյականակերտ, ածականակերտ, մակբայակերտ և այլն)։ Իմաստային տեսակետից նրանք խայտաբղետ պատկեր են նեկայացնում»⁸։

«Հայոց դանթեականը» պոեմում կան շուրջ մեկուկես տասնյակ գոյականակերտ վերջածանցով կազմված մեկ հարյուրյակից ավելի բառեր։

³ Է. Բ. Սդայան, Բառագիտություն. Գ. Բ. Ջահուկյան, Է. Բ. Սդայան, Վ. Դ. Սոաքեյան, Վ. Ս. Զոսյան, Հայոց լեզու, I մաս, Ա պրակ (Ներածություն, հնչյունաբանություն, բառագիտություն, դարձվածաբանություն), Երևան, «Լույս» հրատ., 1980, էջ 443։

⁴ Է. Բ. Սդայան, նշվ. աշխ., էջ 446։ Հմմտ. Լ. Ս. Հովսեփյան, Գրաբարի բառակազմությունը, Երևան, ՀՍՍՀ ԳԱ հրատ., 1987։

⁵ Թե հին և թե՛ նոր գրական հայերենի ածանցների և ածանցման մասին մանրամասն տես Մ. Արեղյան, Հայոց լեզվի տեսություն, Երևան, «Միտք» հրատ., 1965, էջ 222-282։ Ս. Ա. Էլոյան, Ածանցները ժամանակակից հայերենում, Երևան, Հայկ ՍՍՀ ԳԱ հրատ., 1963։ Ս. Ա. Գալստյան, Ածանցումը և ածանցները ժամանակակից հայերենում, Երևան, Երևանի համալս. հրատ., 1978, էջ 48-188։ Ս. Մ. Սուքիասյան, Ժամանակակից հայոց լեզու (հնչյունաբանություն, բառագիտություն, բառակազմություն), Երևան, 1982, էջ 318-363։ Լ. Ս. Հովսեփյան, նշվ. աշխ., 187-287։

⁶ Ս. Սուքիասյան, նշվ. աշխ., էջ 340։

⁷ Ս. Սուքիասյան, նշվ. աշխ., էջ 327։

⁸ Լ. Ս. Հովսեփյան, նշվ. աշխ., էջ 187։

Այդ վերջածանցներն են՝ *-անք, -ացի, -ենի, -իչ, -իկ, -մունք, -ոց, -ություն, -ուկ, -ուհի, -ում, -ունք, -ստան, -ք* :

Ստորև առանձին-առանձին անդրադառնում ենք «Հայոց դանթեական» պոեմում գործածված այն բառերին, որոնք իրենց կազմում ունեն հիշալ ածանցներից մեկնումեկը: Դրանք ներկայացնում ենք նկարագրական և վիճակագրական քննությամբ:

1. *-Անք* վերջածանց ունեցող կազմությունները մեկ տասնյակից փոքր-ինչ ավելին են, սովորաբար բաղադրված են լինում պարզ հիմքի հետ՝ բացառությամբ մեկ-երկուսի: Ընդ որում ածանցը դրվում է երկու կարգի հիմքի վրա՝ գոյական կամ բայարմատ:

ա) Գոյականական հիմքով բաղադրվածներ, այսինքն՝ *պատիժ, վերջերգ* հիմքերով՝ *պատժանք* («պատիժ. պատժելը»), *վերջերգանք* («վերջերգ. ավարտ, երգերից վերջինը»):

Օրինակ՝ «Ո՛վ դուք՝ վկաներ հավերժավրեժ հայոց եղեռնի, / Զարթե՛ք, որ *պատժանք*ն այս անգույգ մեղքի կոկորդից բռնի» (7)⁹: «Այն էլ գեներցիոն այս դժոխաբեն, / Աստված էլ, գուցե, նորից կբացի / *Պատժանքի* գալիք սուրբ դուռն ապաբեն» (135): «*Վերջերգանք*» («վերջերգ. ավարտ, երգերից վերջինը». վերնագիր. 334):

բ) Բայական (բայարմատ) հիմքով բաղադրվածներ, ըստ որում *ապշ(ել)-շմ(ել), զուռնագռ(ալ), ընկրկ(ել), խար(անել), ննջ(ել), նշավակ(ել), շշմջ(ալ), պեղ(ել), ցեղասպան(ել)* բաղադրվող հիմքերով՝ *ապշանք-շմանք* («խոր հիասթափություն. ապուշ կտրելը»), *զուռնագռանք* («զուռնայի տհաճ ձայն. զոռց»), *ընկրկանք* («նահանջ. տեղի տալը, հետ կանգնելը»), *խարանք* («այրուք, այրվածք (փխբ.) անարգանք, մեղադրանք»), *ննջանք* («նինջ, քուն. (փխբ.) անտարբերություն»), *նշավանք* («հանդիմանանք, նշավակում»), *շշմջանք* («շշմջոց, շշմջյուն»), *պեղանք* («պեղված բաներ. պեղվածք»), *ցեղա(ր)սպանք* («ցեղը սպանելը»):

Օրինակ՝ «Վաճա վարդերես մերկամոլորիկ Վարդուհի դառած՝ / *Ապշանք-շմանքի* փշերը լարած...

» (217): «Թմբուկների տակ զինավառ զորքի, / Զարախինդ գոչով *զուռնագռանքի*» (293)¹⁰: «Մի աչքը լիքն էր Աստծո գութով, / Աստվածագոհի՝ Վարդանով իմ քաջ, / Մյուսն՝ *ընկրկանք*ն այս հիսուսահառաչ» (71): «*Խարանքի* գիշեր» (վերնագիր. 149): «Ես նգովում եմ

⁹ Բնագրային օրինակները վերցված են՝ *Հովհաննես Հիրազ*, Հայոց դանթեականը. Հայ կոտորածների հավերժասուգինը: (Երևան, «Նաիրի» հրատ, 1991) գրքից՝ կից նշելով միայն համապատասխան էջը:

¹⁰ Ունենք նաև այս հիմքից *-ոց* վերջածանցով *զուռնագռոց* կազմությունը (տե՛ս ստորև):

մնջանքն իմ հունաց, / Որ Աքիլլեսիս սուրն է պատյանել... / Այդ հին ցավից են մազերս ծյուներլ» (258): «Թուրքահողմ ձեռով երկնքին նետված՝ /Որպես *մշավանք* քեզ, ո՛վ հայ Աստված» (208): «Եվ աչքերի մեջ քնքուշ մի ապշանք.../Շրթունքն էր շարժում՝ ինչպես *շշմջանք*» (195): «Վեր էր խոյանում աստղադիտարանն Ակնա լճափին, / Վկան են՝ *պեղանք*, ու վկա՝ արփին» (121) և այլն:

2. *-Ացի* վերջածանց ունեցող կազմություն է *արևմտացի* («արևմուտքի. արևմտյան եվրոպացի») բառը՝ *արևմուտք* բաղադրվող հիմքով:

Օրինակ՝ «Որոնց ընդհանուր մակարդակը *արևմտացիներու* հետ բաղդատմամբ շա՛տ, շա՛տ ցածր է» (107):

3. *-ենի* վերջածանց ունեցող կազմություն է *ոհմակենի* («ոհմակի՝ գիշատիչների խմբի անդամ»)՝ *ոհմակ* գոյականական բաղադրվող հիմքով: Օրինակ՝ «Այս խոստովանեք, ո՛վ *ոհմակենիք*, / Թե ոնց խլեցիք երկիրն իմ դրախտ» (112):

4. *-իչ* վերջածանց ունեցող կազմություն է *խավարիչ* («խավար բերող՝ սփռող») բառը՝ *խավար* ածականական բաղադրվող հիմքով:

Օրինակ՝ «Եվ բանաստեղծն էլ՝ ողբն հայրենիքի՝ / Եղեռնի ընդդեմ մտորում է խոր, / Թե արդյոք նենգող *խավարիչը* չէ՞ր, / Որ հաշմեց հայոց գորքին հեթանոս.- / Դու՛ք պատասխանեք, ո՛վ խաբված խաչեր» (71):

5. *-իկ* վերջածանց ունեցող բառերը համեմատաբար շատ են, և բացառությամբ մեկ-երկուսի՝ բաղադրված են լինում գոյականական սերող հիմքով:

Ըստ այդմ՝ առանձնանում է երկու խումբ:

ա) Գոյականական հիմքով կազմված բառեր, ըստ որում *դաշտ*, *դպրոց*, *գորք*, *լուսաստղ*, *Ֆայաստան*, *մատուռ*, *սանրագլուխ* («սանրի նման՝ սանր հիշեցնող փետուրներով փոքր գլուխ»), *ցեղ* («ազգ. հանրություն») բաղադրվող հիմքերով՝ *դաշտիկ* («փոքր դաշտ»), *դպրոցիկ* («փոքր՝ սակավ աշակերտ ունեցող դպրոց»), *գորքիկ* («փոքր՝ սակավաթիվ գորք»), *լուսաստղիկ* («լուսե աստղ. լուսաստղ»), *Ֆայաստանիկ* («փոքր Ֆայաստան. մնացած մաս Ֆայաստանի»), *մատուռիկ* («փոքր մատուռ»), *սանրագլխիկ* («սանրի նման՝ սանր հիշեցնող փետուրներով փոքր գլուխ»), *ցեղիկ* (հեզն.) «փոքր, չնչին ցեղ»):

Օրինակ՝ «Այս իմ ողբերգածն ուրիշ է, ուրիշ, / Մինչ քոնը թղթե *դաշտիկ* է թավիշ...» (227): «Զորս հարյուր մանուկ՝ *դպրոցիկ* մի սուրբ, / Կենդանի թաղված չորս հարյուր հայեր...» (195): «Խոսում էր սուրն հայ *գորքիկի*, / Շաչում էր թուրն Անդրամիկի» (305): «Ամմեղ էր, ինչպես

լուսաստղիկս պերճ, / Որ խարխափում էր խոր խավարիդ մեջ...» (156): «Նոր Դայաստանիկն այս իմ փրկված, / Այս գետակն՝ իր մայր ծովից գրկված» (251): «Քանզի իմ ներկան՝ այր մի հուսահատ, / Դայաստանիկս վրեժն է կիսատ...» (277): «Մի հուսածառն՝ գրկված իր մի ողջ անհույս անտառից, / Մատուռիկս՝ իր բյուրագմբեթ մայրատաճարից» (251-252): «Արծվի ծագերը՝ արծվաթխիկով, / Կկվի ծագերը սանրագլխիկով» (167): «Արծվի ծագերը անգուր մեծացել, / Սանրագլխիկն էր կկվից մնացել» (168): «Աչուում էր մեզ հետ լուսինն էլ նամետ, / Որ ազգ է թաղում ցեղիկ մի ահմեղ...» (299):

բ) Ածականական հիմքով կազմված բառեր, ըստ որում *աղավնակերպ, աշխարհապաշտ, արծվաթուխ* բաղադրվող հիմքերով՝ *աղավնակերպիկ* («աղավնու նման հեզ ու լուռ՝ նրբին. աղավնաբարո»), *աշխարհապաշտիկ* («աշխարհը պաշտող. աշխարհի նկատմամբ պաշտելի վերաբերմունք ունեցող»), *արծվաթխիկ* («արծվի պես ուժեղ և բուխ՝ մուգ սև գույնի»)՝¹¹:

Օրինակ՝ «Նորեն հայտնվեց *աղավնակերպիկ* / Այս անգամ հույսով ժպտաց մտերմիկ» (56): «*Աշխարհապաշտիկ* մի ողջ մեծ ազգիկ՝ մի անմեղ երկիր, / Ո՛ր ես, անասոված, թե կաս, գոնե դու, Աստված իմ, փրկի՛ր...» (84): «Արծվի ծագերը՝ *արծվաթխիկով*, / Կկվի ծագերը՝ սանրագլխիկով (167):

գ) Բայական (կամ բայարմատ) հիմքով կազմված բառեր, ըստ որում *հավերժավառ* («մշտավառ, հավերժ լուսատու»), *մահաքարջ* («մահվան բուն՝ խորշ») բաղադրվող հիմքերով՝ *հավերժավառիկ* («մշտավառ, հավերժ լուսատու»), *մահաքարջիկ* («մահվան բուն՝ խորշ»):

Օրինակ՝ «Եվ ահա երբ որ գիշերվա աչքը խավարը կոխեց, / Լուսինն Աստծո *հավերժավառիկ* կանթեղը կախեց» (17): «Կպրե կարասն է *հավերժավառիկ* ուր մեղքն այրվեր՝ / Յոթնապրոնկաց տանջարանը մեծ» (204): «-Ո՛վ քարայր,-ասի,- ո՛վ *մահաքարջիկ*, / Տասներկու հազար կույս մանչ ու աղջիկ...» (51): «Զլինի՞ դու ես, ո՛վ *մահաքարջիկ*, / Աչունել իմ սերն, ո՛վ դու անզգամ» (172) և այլն:

6 -*Մունք* վերջածանց ունեցող կազմությունն է *ազատմունք* («ազատում, ազատություն») բառը, որը գրաբարյան *ազատումն* բառի հոգնակին է, իսկ ժամանակակից հայերենում դիտվում է իբրև -*մունք* ածանցով բաղադրություն. ըստ Ա.Սուքիասյանի՝ «առաջացել է գրաբարի *ունն* ածանցով կազմված բաղադրությունների հոգնակի ուղղական՝ *մունք* ձևից: Բայական հիմքից կազմում է գոյականներ՝ անեզական, ընդհանրական, վերացական

¹¹ *Արծվաթխիկ* բառը կարելի է դիտել նաև *արծվա-(թխ-լ-իկ)* կաղապարով բաղադրություն:

ընդհանուր նշանակությամբ, ցույց է տալիս կատարված որևէ բան կամ գործողության անուն»¹²:

Օրինակ՝ «Եվ ձորն իջավ Անդրանիկը՝ / Հայ ազատմանց հույսով լիքը» (323):

7. *-Ոց* վերջածանց ունեցող կազմությունն է *զուռնագողոց* («զուռնայի տհաճ ձայն՝ զողոց») բառը, որն, ի դեպ, ժողովրդախոսակցական լեզվից է առնված և բանաստեղծական խոսքի մեջ գործածված:

Օրինակ՝ «Ալեկոծ սուգի հեծեծանքն էին թմբուկով խեղդում, / *Չուռնագողոցով* հայ վշտի վրա միմոսախնդում...» (292):

8. *-Ություն* վերջածանցով կազմություններն այս դեպքում, որքան էլ տարօրինակ կարող է լինել, քիչ են հանդիպում: Ունենք *կես-հայություն* («հայության մի մասը՝ կեսը»), *շղթայվածություն* («շղթայված՝ կաշկանդված լինելը»), *պղծալուծություն* («պիղծ՝ ստոր լուծություն, լռելը») բառերը: Օրինակ՝ «Հայության մի մասը՝ կեսը: Մորթվելու տարվող մի *կես-հայություն*, - Հարսներ՝ մագերը մեկից դառած ծյուն» (293): «Կամքիդ *շղթայվածության* մեջ էլ երգես սիրում, քանզի միայն չարը երգ չունի» (46): «Մի՞թե դու պիտի ապերախստությամբ անառակացյալ / Թագբեհի նման չքաշես հավերժ՝ այս օրերն անցյալ, / *Պղծալուծության* պատյա՞նը դնես սուրը վրեժիդ» (275):

9. *-Ուկ* վերջածանց ունեցող կազմությունները երկու դեպքում բարդ, իսկ երկուսում պարզ ածանցավոր բառեր են՝ բաղադրված *գալլամարդ, շնամարդ* և *հայ, մագ* բաղադրվող հիմքերով՝ *գալլամարդուկ* («գալլի վարք ունեցող մարդ, տմարդի»), *հայուկ* («փոքր՝ չնչին հայ»), *մագուկ* («չնչին՝ աննշան մագ»), *շնամարդուկ* («շան վարք ունեցող մարդ, տմարդի»):

Օրինակ՝ «Այս ո՞ւր ես հասնում, ո՞վ *գալլամարդուկ*... / Տեսավ այս ամենն Անդրանիկն հայդուկ» (179): «*Հայուկն* ո՞վ է, որ ոսկի թաքցնի՝ / Հա՛ն... Կանա ոսկիդ ոսկի կծնի...» (284): «Մի շան *մագուկն* էլ բարձր է մարդ-գալլից...» (201), «-Էնվեր փաշա, *շնամարդուկ*, / Այս ո՞ւմ ազգին սուր ես տանում, / Զքվի՛ր... դեռ կա հայը հայդուկ...» (304):

10. *-Ուհի* վերջածանցով կազմություններն այստեղ համեմատաբար շատ են՝ սերված *Աֆրիկա, բաջի, հյուսիս, չին, սուլթան, վիրք* բաղադրվող հիմքերից՝ *աֆրիկուհի* («Աֆրիկայի բնակչուհի, կին աֆրիկացի»), *բաջուհի* («թրքուհի, կին թուրք»), *հյուսիսուհի* («հյուսիսի կին բնակիչ, հյուսիսցի կին»), *չինուհի* («Չինաստանի բնակչուհի, կին չինացի»), *սուլթանուհի* («սուլթանի կին, կին-սուլթան»), *վիրուհի* («վրացուհի, կին վրացի»), ընդ որում որոշ դեպ-

¹² Ա.Սուքիասյան, նշվ. աշխ., էջ 354-355:

քերում տեղի է ունեցել հիմքի՝ հայերենին բնորոշ փոփոխություն. ինչպես՝ *Աֆրիկա* և *Վիրք* «Վրաստան» տեղանուններից՝ *աֆրիկ-*, *վիր-* փոփոխվածները:

Օրինակ՝ «Ո՛վ *աֆրիկուհիք*, դո՞ւք էլ եք անհոգ» (155): «-Սորթել որդուն էլ այս քած քաջուիտ... / Սրանք չեն դառնա քույրը... *քաջուիտ*» (100): «Ո՛վ *հյուսիսուհիք*, լսեցի՞ք արդյոք... / Ինչո՞ւ թողեցիք իմ ազգին անօգ» (155): «Ո՛վ հարավուհիք, ո՛վ *հյուսիսուհիք*, / Գոնե անեծքի շուրթով խոսե՛ք» (156): «*Հիմուհի՛ք*, հայ ցավն զգացի՞ք արդյոք, / «Հայաստանն առանց հայի կթողնի / Սև *սուլթանուհին* գերման անկողնի...» (126): «Եվ Հայաստանում էլ հայ չի թողնի / Սև *սուլթանուհիդ* գերման անկողնի» (162): «*Վիրուհիք*, ո՞ւր էր գուրթ ձեր բազկի» (155):

11. -*Ում* վերջածանց ունեցող գոյականները կազմված են *ազգաջնջ(ել)* «ազգին պատուհասել՝ ջնջել-վերացնել, ոչնչացնել, ազգը կործանել», *ինքնապատժ(ել)* «ինքն իրեն պատժել», *հայաջնջ(ել)* «հայերի կտորել», *մեղսաթաղ(ել)* «մեղավոր՝ անիրավ ձևով ոչնչացնել», *ոճրագայլ*՝ «գիշատիչ՝ գայլային արարք՝ ոճիր» բայական կամ գոյականական բաղադրական հիմքերով:

Օրինակ՝ «Քարացած վշտով՝ *ազգաջնջումի* այս դժխատես, / Խաչակնքում էր շանթ ու կայծակով երկինքն ահառած» (212): «*Ինքնապատժումով*, որ հայ ես ծնել / Եվ դեռ կուզեիր արծրվացնել» (99): «*Հայաջնջումի* այս վճիռն անգույգ՝ / Սև յաթաղանի բերանով անսուտ» (193): «*Վիրուհիք*, ո՞ւր էր գուրթ ձեր բազկի, / Ո՛վ իսպանուհիք, լսեցի՞ք դուք էլ / *Մեղսաթաղումը* իմ անմեղ ազգի» (155): «Ես վաղվա ծնած խիղճ ու դարերի դատին եմ հանձնում / *Ոճրագայլումներն* այս իմ մատյանած, / Ոճրատեսիլներն այս իմ վկայված...» (259):

12. -*Ունք* վերջածանցով ունենք *ազգամասունք* «ժողովրդի՝ ազգի՝ ժողովրդի մի մասը, կտորորածից մնացած հատված(ներ)ը», *աստեղաբարձունք* «անսահման բարձր. աստղերի բարձունք», *արծվաբարձունք* «արծվային՝ արծվին մատչելի բարձունք, (փխբ.) վերին ոլորտ», *դժոխքաշրթունք* «դաժան՝ չար բերան», *ժայռաշրթունք* (փխբ.) «ժայռի պոռնակ՝ անշարժ, անխոս, անտարբեր», *մեղսամասունք* «մեղքի բաժին՝ մաս», *մոխրաշրթունք* «մոխրապատ շուրթեր՝ շրթունք», *մոռացունք* «մոռացող, մոռացում՝ մոռանալ տվողներ», *ոսկեմասունք* «ոսկյա՝ թանկ մասունք» կազմությունները. որոնց *մասունք*, *շրթունք* և *բարձունք* բաղադրիչները գրաբարյան *մասն*, *շուրթն* և *բարձր* գոյականների հոգնակիի ձևեր են, և որոնք ժամանակակից հայերեն-

նում որպես այդպիսին մթագնել են և դիտվում են իբրև *-ունք* (նաև *մոռացունք*-ի դեպքում) վերջածանց¹³։ Այսպես, Ա.Սուքիասյանը այս ածանցի մասին գրում է. «կազմում է գոյականներ՝ հավաքական նշանակությամբ, ծագել է գրաբարի *-ն* վերջացող բառերի հոգնակի ուղղականի վերջավորությունից»¹⁴։

Օրինակ՝ «Դուք չսգացիք գեթ հիսունամյա եղեռնասուգով,- / Լոկ հայը սգաց հազիվ փրկված *ազգամասունքով*» (259)։ «Նա, որի սիրտը ամուլ արգանդն է ու ոչ թե արցունք, / Ուն աչքին հայոց գանգաբլուրն է *աստեղաբարձունք*» (248)։ «Մանուկ Զիսուսիդ արցունքն անարցունք, / Ո՞ւր ես, փլեկած մեր *արծվաբարձունք*» (89)։ «Դու էլ, Անգլիա, ո՛վ արծվաբուրեք, / Նշավակում եմ *դժոխքաշրթունք* ձեր լռությունը» (272)։ «-Սգա՛, Զայաստա՛ն, այս *ժայռաշրթունք* աշխարհը վկա՛ / Բո հին եղեռնը նոր շրթունքով էլ սգացող չկա» (43)։ «Եվ կկործանե աշխարհն այս անսուգ, / Աշխարհ, որ ծով է մի *մեղսամասունք*» (277)։ «Ու *մոխրաշրթունք* նգովում էին / Աթայից խուժած սելջուկի ճամփան» (96), «Ուրեմն բալասան չես այժմ, ո՛վ *մոռացունք*, վեր կացեք» (30)։ «Ու մերկացրին յոթնամատանի հարսնանց գեղեցիկ, / Ինչպես վանքերը կամ *ոսկենասունք* սուրբ եկեղեցիք» (283)։

13. *-Ատան* վերջածանց ունեցող կազմություն է *ամայստան*՝ «ամայի՝ անմարդաբնակ տեղ, մարդաթափ վայր» բառը։

Օրինակ՝ «Որ տակովն արավ՝ ճիշտ երկու միլիոն հայոց գերդաստան, / Ողջ Զայաստանը դարձավ գանգալուռ մի *ամայստան*» (128)։

14. *-Զ* հոգնակերտ վերջածանցով կազմություն է *ցեղաըսպան(ք)*՝ «ցեղին ոչնչացնող՝ սպանող», «ցեղի սպանություն, ցեղ սպանելն՝ իբրև երևույթ» բառը՝ կազմված *չարագործ՝ եղեռնագործ* կամ *ցեղասպանություն* բառերի իմաստով¹⁵։

Օրինակ՝ «Լոխմանու աչքից վերքը թաքցրնողն անբույժ կմնա, / *Ցեղաըսպանի* ճամփեն չբանդողն՝ հազար կբանա...» (40)։ «Վա՛յ ձեզ, վա՛յս ձեզ, ո՛վ *ցեղաըսպան* նով մեղսակերներ» (72)։ «Լույնիսկ մատներն էր նա վիատ շարժում, / *Ցեղաըսպանի* նենգ մահն էր հուշում» (86)։ «Թե՛ ո՛վ *ցեղասպան* բառն աշխարհ բերավ, / Ովքե՛ր լռեցին ու լռում են դեռ» (123)։ «Թե դու Աստված ես ամենակարող, / Թե կարողը չես հայոց պատանքի, / Ինչո՞ւ չես կտրում դժոխքն արարող / Բոլոր բազուկներն *ցեղաըսպանքի*» (241), «Որ մենակ թողեց, ինքն էլ մենակվեց / Բռնության առաջ *ցեղաըսպանի* (258) և այլն։

¹³ Ստ. Մալխասյանցի բառարանն ունի *մոռացունք*։

¹⁴ Տես Ա. Ս. Սուքիասյան, նշվ. աշխ., էջ 361-362։ Զմնտ. Լ. Ա. Դովսեփյան, նշվ. աշխ.։

¹⁵ Բնագրում այս բառը մշտապես գործածված է *ք*-ով՝ *ցեղաըսպան(ք)*։

Այստեղ ունենք նաև այնպիսի բառեր, որոնց երկրորդ՝ ք-ով ածանցված մասն, իբրև առանձին բաղադրիչ, միանում է բարդության սերող հիմքին՝ Նման կազմության բառերը բավականին շատ են, ուստի բերում ենք հետևյալ ներքին խմբավորմամբ:

ա) Բառեր, որոնց բաղադրվող հիմքն է *դժոխք* բաղադրիչը՝ *դանթեադժոխք* («Դանթեի պատկերած՝ դանթեական դժոխք»), *եղեռնադժոխք* («եղեռնի՝ ոճրի հետևանք, դժոխք»), *հազարադժոխք* («հազարապատիկ՝ անասելի դժոխք»), *մեղսադժոխք* («մեղքերի դժոխք հիշեցնող»), *միջ-դժոխք* («անասելի՝ առասպելական դժոխք»), *մոխրադժոխք* («մոխրի դժոխք. մոխիր դարձած դժոխք»), *յոթնադժոխք* («յոթնապատիկ դժոխք. դժոխքի յոթ պարունակներ»), *ոճրադժոխք* («ոճրի դժոխք, գեհեն»):

Օրինակ՝ «Հոգեհանգիստ էր զոհերին կարողում / *Դանթեադժոխք* մեր ողջ ճանփեքին» (49): «*եղեռնադժոխք* անդունդին հասանք» (48): «Փրկելով աշխարհն այս *մեղսադժոխք*, / Որ մեզ քնշում է այսքան անողոր» (102): «Ու տեսանք դեռ տաք *մոխրադժոխքից* / Այրված, կիսայրված գրքեր դուրս բերեց» (94): «Թե այս էլ տեսնես՝ ինչ պիտի տեսնենք, / Երբ *յոթնադժոխք* Դեր Ջորներն հասանք» (16): «Դեռ ցույց եմ տալու, ցույց եմ տալու դեռ / Այս *ոճրադժոխքն*՝ անեծքով անմեռ» () և այլն:

բ) Բառեր, որոնց բաղադրվող հիմքն է *գորք* բաղադրիչը՝ *բյուրագորք* («մեծաթիվ՝ բազմահազոր գորք ունեցող»), *ենվերագորք* («ենվերի՝ թուրքական գորք»), *թուրքագորք* («թուրքի գորք. (փխբ.) ասպատակող և կոտորող»), *ոգեգորք* («ոգու՝ ոգեղեն գորք»), *տիգրանագորք* («Տիգրան Մեծի գորք. (փխբ.) արքայական՝ հաղթող գորք»):

Օրինակ՝ «Քանզի երբ հայոց ազգն էր գլխատվում՝ / Յաթաղան կացնով *բյուրագորք* դահճի՝ / Դու լեզուն պոկած զանգ էիր թվում» (231): «Մի հոտ՝ ետևից հովվի տեղ՝ գորքեր, (*ենվերագորքեր*՝ գերմանագրա...)» (293): «Ինչո՞ւ կանգնեցիր,- գոռաց ետևից *թուրքագորք* հորդան» (296): «Ուրվացյալն՝ հեծած ուրվանժույզին, / Վահան դառնալով մեր *ոգեգորքին*» (57) և այլն:

գ) Բառեր, որոնց բաղադրվող հիմքն է *դեմք* բաղադրիչը՝ *ուրվադեմք* («նոսր՝ թույլ դեմք. ուրվապատկեր»), *քանդակադեմք* («քանդակված դեմք. դիմաքանդակ»):

Օրինակ՝ «Բերանգոց լռանքն այս ակերված, / Որ ուրվադեմքն է մարդկության նորված» (231): «Կացնաքերել էն պարիսպըդ էլ վեհ, / Քանդակադեմքն էլ քո առյուծաբաշ» (229) և այլն¹⁶:

դ) Բառեր, որոնց բաղադրվող հիմքն են իմացական ուղրտ նշանակող գիրք, խելք, խոսք, միտք բառերը՝ գղջախելք («վերջում գղջացող՝ փոշմանող»), մոխրամիտք («մոխիր դարձած՝ մոխրաշաղ միտք»), ողբագիրք («ողբի՝ ափսոսուանքի, ցավի գիրք»), պղծախոսք («պիղծ՝ անհարիր, անվայել խոսքեր»):

Օրինակ՝ «Ինչպես ինքն Աստված, ինչպես մսուրքը.- / Թող այս էլ կարդա գղջախելք թուրքը...» (147): «Լուռ մոխրամիտքը՝ անթեղ էր սրտում, / Ուրվականի պես կայծակեց տրտում» (248): «Քանի հույսս չեք, ո՛վ մարդաբծեր, / Այս ողբագիրքս դասագիրքն է ձեր» (325): «Քարվան առ քարվան բերում ու բերում, բերում՝ հսկելով, / Հայոց Աստծուն անգուսպ հայիհյող պղծախոսքերով» (293) և այլն:

ե) Բառեր, որոնց բաղադրվող հիմքն են մարմնի մաս, վերջինիս ֆիզիկապես և հոգեպես վերաբերող կյանք, կուրծք, ձեռք, մեղք, ոտք, վերք բառերը՝ դահճածեռք («դահճի՝ մարդասպանի ձեռք»), դառնակյանք («դառը՝ դժվարին կյանքով աչքի ընկնող»), թրամեղք («թրի՝ սրի պատճառած մեղք՝ նեղություն»), հազարավերք («հազարավոր՝ մեծաթիվ վերքեր ունեցող»), ձիաուտք («ձիու ոտք»), մայրակուրծք («մայրական սնուցիչ՝ կերակրելու առատ աղբյուր») և այլն:

Օրինակ՝ «Խուժեց փարախներն հայոց դառնակյանք, / Խուժեց, խժըռեց ծերին ու մանկան» (14): «Ու դահճածեռքով նախճիրն ու ոճիրն հորդեցին ծորում, / Ցայտեց արյունը... թվաց լուսնից էլ արյուն է ծորում...» (298): «Ազգ որ չի գործել ոչ մի թրամեղք երկրում բազմամեղ... / Իր Արարատի սուրբ կանթեղի պես՝ հավիտյան անմեղ» (118): «Տեսնելով զոհերն այս հազարավերք, / Ողջ Արևմտյան Հայաստանով մեկ» (280): «Զիաուտքերը թաղիքված էին, որ ձայն չհանեն, / Որ հայ վանքերից թալանված ոսկիք ապահով տանեն (282): «Որ հայտնելով մայրակուրծք մի գետ՝ / Գիրկն առավ իսկույն մանուկ գետակին» (72) և այլն:

զ) Բառեր, որոնցում որպես բաղադրվող հիմք են հանդես գալիս երկինք, հոսք, շարք, վանք բառերը՝ արնահոսք («արյան հոսք՝ հոսելը. արնահոսություն»), դժոխաշարք («դժոխային՝ դաժանության պատրաստ շարք՝

¹⁶ Ս. Ա. Մելքոնյանի բառացանկում (էջ 170) բերվում է քանդադեմք ձևով:

խմբվածություն»), *յոթերկինը* («ամենավերին, յոթ երկինք այն կողմ»), *սրբավանք* («սրբատեղի՝ վանք, սրբավայր»)։

Օրինակ՝ «Երբ ի գին թափվող մեր *արնահոսքին* / Ողջ Հայաստանի արծաթն ու ոսկին / Դեպի եվրոպո՜ վար քարավանվեն» (199)։ «Իսկ ծորի վերև՝ *դժոխաշարքով* ասկյարները, տե՛ս, / Հրացանները լցրած կանգնեցին սև ամպերի պես» (300)։ «Ու կմռնչան *յոթերկինքն* ի վեր, / -Ո՛վ ցավերի ծով ծնած պիղծ դավեր» (21)։ «Ո՛վ Նիագարա, քո հորձանքի մեջ / Տակովդ արե՞լ ես սրբավանք մի պերճ» (90) և այլն։

Վերը բերված գոյականակերտ վերջածանց ունեցող նորակազմ բառերի մոտ մեկուկես տասնյակ խմբերից մի քանիսը ներկայանում է մեկական օրինակով։ Այդպիսին են 2, 3, 4, 6, 7, 13, 14 խմբով, այսինքն՝ *-ացի*, *-ենի*, *-իչ*, *-ոց*, *-մունք*, *-ստան*, *-ք* վերջածանցով բաղադրված բառերը։ Մնացածը երկու և ավելի օրինակով փաստարկվող կազմությունների խմբեր են։

Այսպիսով, եթե ամփոփելու լինենք վերը կատարված վերլուծությունը, ապա կարելի է, իբրև եզրակացություն, նշել հետևյալը։ «Հայոց դանթականը» պոեմի նորակազմ բառերի մեջ, իրենց հերթին, առանձին հետաքրքրություն են ներկայացնում գոյականակերտ վերջածանց ունեցող բառերը, և իբրև բառապաշարի առանձին խումբ, հեղինակի խոսքի դրսևորման յուրահատուկ միջոցներից մեկն են։ Դրանք ստեղծված են ինքնատիպ մտածողության ակունքներում, խոսքի ոճավորման ինքնաթուխ պայմաններում, ուստի հարստացնում են բանաստեղծի, այլև առհասարակ ժամանակակից հայերենի բառապաշարը։

Newly formed words with noun-forming affixes in the "Armenian Danteida" poem after Hovhannes Shiraz

In the "Armenian Danteida" poem after Hovhannes Shiraz besides other affixation types, we can find also words with noun-forming affixes.

There are more than hundreds of neologizms with following affixes: *-անք* -ank⁶ (*ապանք* *apʰank*⁷ "struck dumb; stupefied"), *-ացի* *ačʰi* (*արևմտացի* *arewmtačʰi* "European"), *-ենի* -eni (*ոհմակենի* *ohmakeni* "member of a pack"), *-իչ* -ičʰ (*խավարիչ* *xawaričʰ* "darkener"), *-իկ* -ik (*դաշտիկ* *daštʰik* "a small field") *-մունք* -munčʰ (*ազատմունք* *azatmunk*⁸ "freedom, rescue"), *-ոց* -ocʰ (*զուռնազոոց* *zurnazocʰ* "bray, bellowing of zourna – oriental wind instrument"), *-ություն* -uťyun (*պղծալություն* *pʰčalʰuťyun* "mean, foul silence"), *-ուկ* -uk (*զայլամարդուկ* *gaylamarduk* "man with life of wolf"), *-ուհի* (*աֆրիկուհի* "African (woman)"), *-ում* (*մեղաթաղում* *meʰsafaʰum* (literally) "apostasy, denial of sin"), *-ունք* -unčʰ (*ազգամասունք* *azgamasunčʰ* "a part of people, nation"), *-ստան* -stan (*ամայստան* *amaystan* "uninhabited place, site"), *-ք* -kʰ (*ցեղասպանք* *cʰeʰaspankʰ* "massacre; genocide"), etc.

In the article we give lexical-semantic analyses in separate groups.